

SPORAZUM O DEMILITARIZACIJI SREBRENICE

Na sastanku, održanom 17.04.1993, gen. Mladić i gen. Halilović u prisustvu gen. Valgreña predstavnika UNPROFORa, kao posrednika, dogovoreno je sljedeće:

1. Potpuni prekid vatre u području Srebrenice koje stupa na snagu od 04.59, 18.04.1993. Zamrzavanje svih borbenih aktivnosti na dostignutim linijama konfrontacije, uključujući podršku artiljerije i raketnu vatru.
2. Raspoređivanje jedne čete UNPROFORa u Srebrenici do 11,00 časova, 18.04.1993. Ovoj jedinici je garantovan siguran i nesmetan prolaz od Tuzle do Srebrenice od obje strane.
3. Otvaranje zračnog koridora između Tuzle i Srebrenice preko Zvornika radi evakuacije ozbiljno ranjenih i bolesnih. Zračni koridor se otvara u 12,00 časova, 18.04.1993 i nastavlja se 19.04.93, ako vremenski uslovi budu povoljni, i sve dotle dokle bude potrebno da se evakuišu svi ozbiljno ranjeni i bolesni. Helikopteri će letjeti iz Tuzle ka Zvorniku, gdje će se spustiti radi kontrole u Zvorniku koja neće uzrokovati nepotrebno kašnjenje evakuacije. Ozbiljno ranjeni i ozbiljno bolesni biće evakuisani nakon identifikacije od strane UNPROFORa u prisustvu dva doktora sa obje strane i MKCK/Međunarodni komitet Crvenog krsta/. Sve kategorije ozbiljno ranjenih i ozbiljno bolesnih će biti evakuisane vazduhom i neće biti ugrožavani ni od jedne strane. Broj ozbiljno ranjenih i ozbiljno bolesnih vjerovatno je približno 500. Ovo će biti verifikovano 18.04.1993 od strane UNPROFORa, a o rezultatu će biti obavještene obje strane.
4. Demilitarizacija Srebrenice će se izvršiti u roku od 72 sata nakon dolaska jedinice UNPROFORa u Srebrenicu. / 11,00 18.04.1993/ ako stignu kasnije ovo će biti promjenjeno. Svo oružje, municija, mine, eksploziv i borbene zalihe /osim medicinskih/ u Srebrenici biće predano UN PROFORu pod nadzorom tri oficira sa svake strane i sa kontrolom koju će vršiti UNPROFOR. U gradu neće ostati nijedna naoružana osoba ili jedinica osim UNPROFORa koji će ostati u gradu, kada se proces demilitarizacije završi. Odgovornost za proces demilitarizacije ostaje na UNPROFORu.

- 2 -

5. Ustanoviće se radna grupa koja će odlučivati o detaljima demilitarizacije Srebrenice. Ova grupa će naročito raspravljati o: akciji koju treba preduzeti ako se demilitarizacija ne završi u roku od 72 sata, korektnom postupanju prema svakom ko preda oružje UNPROFORu. Radna grupa će podnositi izvještaj gen. Valgrenu, gen. Mladiću i gen. Seferu Haliloviću. Prvi izvještaj biće sastavljen na sastanku na Sarajevskom aerodromu u ponedjeljak 19.04.1993 u 12,00.
6. Obje strane moraju predati izvještaj o minskim poljima i eksplozivnim preprekama na području Srebrenice UNPROFORu. Svaka strana mora očistiti njena minska polja pod nadzorom UNPROFORa.
7. Nijedna strana ne smije ugrožavati slobodu kretanja. UNHCR i MKCK trebaju ispitati tvrdnje o ugrožavanju kretanja, posebno u Srebrenici i Tuzli.
8. Humanitarna pomoć će nastaviti da stiže u grad kako je planirano.
9. Oficiri i doktori koji nadgledaju proces demilitarizacije su pod zaštitom UNPROFORa, njihova sigurnost je garantovana od obje strane.
10. Radna grupa treba dati preporuke o izvođenju razmjene zarobljenika, mrtvih i ranjenih prema principu "svi za sve" u regiji Srebrenice u roku od 10 dana. Ovo treba biti pod kontrolom MKCK.
11. Sva nerješena pitanja biće rješena na Mješovitoj vojnoj radnoj grupi ili na sastanku odgovarajućih delegacija sukobljenih strana pod posredovanjem gen. Valgrena.

potpisali:

gen. Sefer Halilović

gen. Ratko Mladić

gen. Lars Erik Valgren

18.04.1993